

Advocatis provisis eodem die facienda , tecum vero , & si ambæ Partes , vel alterutra earum a loco Judicij distent , ita instituenda est , ut intimatio succumbenti prius saltem , quam victori fiat.

§. 274.

Super quavis Sententia , a qua ad superius Judicium provocari potest , Judex una cum Sententia parti quoque rationes judicati intimare debet , quin ad eas extradendas partium petitio exigatur . In his rationibus Sententiæ particulares opiniones , quæ in Causæ deliberatione forte prolatæ fuerint , edendæ non sunt.

C A P U T X X V .

De Appellatione , Revisione , & querela nullitatis.

§. 275.

Quicunque se per Sententiam gravatum esse arbitrabitur , huic ab ea intra dies 14 .
a die

a die intimatæ Sententiæ computandos appellare integrum esto , exceptis tamen sequentibus casibus a) Si Sententia sit interlocutoria duntaxat, quæ Causæ principali (excepta tamen fori declinatoria) non noceat , b) si inter ignobiles per Sententiam reciproca Injuriarum Actio sublata fuerit.

§. 276.

Tam Appellatio , quam gravamina in omni casu Judici primæ Instantiæ porrigenda sunt , quodsi tamen sola etiam appellatio , quin gravamina exhibeantur , interposita fuerit , Judex Causam modalitate mox præscribenda transmittere debet , modo puncta , super quibus appellatur , rite exprimantur , gravamina , vel separatim vel simul cum appellatione porrigi possunt : præscriptum tamen pro eadem tempus exacte observandum est.

§. 277.

Si Pars appellans ob impedimentum grave , & luculenter probatum , gravamina in Termino dierum 14. præsentare nequeat , Judici primæ

primæ Instantiæ Jus esto , prorogationem ad alios 14. dies eam imploranti concedere ; Causæ tamen dilationis una cum probatione earundem in litteris dimissoriis seu transmissionalibus exponendæ sunt , prorogatio hæc etiam separatim ab insinuatione appellationis in præfinito tamen Termino peti , per Judicem vero nonnisi semel concedi potest .

§. 278.

Super interposita Appellatione Judex Partis adversæ responcionem , seu exceptionem contra appellationem intra 14. dies porrigendam , tardiusque non amplius recipiendam exaudiat .

§. 279.

Judex primæ Instantiæ appellationem interpositam , gravamina , responcionem , seu exceptionem partis adversæ , universa Acta Processus interim in domo Judiciaria ordinate custodienda & in casibus præcedentis Processus verbalis rite inrotulanda , nec non motiva sententiæ una cum transmissionalibus absque mora Judici superiori transmittat , hic ve-

ro Causam, quamprimum fieri poterit, decidet.

§. 280.

In libello gravaminum alias circumstan-
tias facti, & probationes adduci non liceat
præter eas, super quibus in prima Instantia Jus
dictum fuerit, quod si nihilominus contra
hunc ordinem judicariū actum fuerit, nul-
la ratio ejusmodi novitatum habenda est.

§. 281.

Si Sententia plura puncta contineat, ap-
pellans illa clare exprimat, a quibus se gra-
vatum existimabit, ea vero, contra quæ di-
serte appellatum non fuerit, in rem judica-
tam transeunto, neque amplius mutari pote-
runt.

§. 282.

Super Punctis, contra quæ expresse appel-
latum non fuerit, elapso Termino appellatio-
nis ad postulationem victoris statim Executio
concedenda est, nisi puncta hæc, cum illis,
quorum intuitu appellatum fuit, ita nexa sint,

ut Executioni mandari antea non possint, quam reliqua etiam decidantur: quoad illa vero, super quibus appellatio interposita fuerit, omnis Executio, usque dum Sententia appellationis prolata fuerit, exhibenda: Si tamen res controversa ita comparata esset, ut Pars victrix in prima Instantia, usque ad decisionem Causæ in Judicio Appellatorio, Satisfactione, Cautione, vel alia provisione Judiciali indigeret, eadem a Judice petenti concedenda est.

§. 283.

Eademi procedendi ratio pro revisione observanda est, hæc tamen admitti non potest, quoties Sententia primæ Instantiæ a Judicio appellationis confirmata fuerit: atque idcirco si Sententia partim confirmata, & partim reformata fuerit, duntaxat contra puncta reformata revisio locum habere potest.

§. 284.

Provisiones, quæ ad normam §. 281. durante Appellatione forte factæ fuerint, etiam

etiam pendente Revisione sine mutatione permanere debent: Si tamen Revisionem petens Causam vicerit, omne damnum, quod exinde sibi evenisse probaverit, a parte adversa eidem præstandum est.

§. 285.

Si alterutra pars Sententiam prolatam manifestæ nullitatis coarguere posse credat, eidem facultas esto, querelam nullitatis movendi, in omni tamen casu, quo via Appellationis, vel revisionis simul patet, cum querela nullitatis etiam remedium Appellationis, vel Revisionis adhibendum, atque gravamina, in quibus hæc, vel illa fundata fuerit, eodem tempore exponenda sunt.

§. 286.

Casus nullitatis sunt: a) si parte non auditæ nec contumaci Sententia lata fuerit: b) si ultra petita partium, aut de objecto inter partes nec agitato, nec liti substrato judicatum fuerit.

§. 287.

Querela nullitatis intra tempus appellationi præfinitum apud Judicem primæ Instan-
tiæ proponi, ac in eadem id, quod circa gra-
vamina appellationis præscriptum est, obser-
vari debet.

§. 288.

Judex superior super actis sibi transmissis
præprimis de querela nullitatis cognoscito,
& siquidem hæc probata, & fundata appareat,
a Sententia super causa principali ferenda ab-
stinere, sententiam judicis inferioris annulla-
re, & novum ac rite ordinatum judicium de-
cernere, simul vero Judicii inferiori semper
præstationem damni, & impendii; quod utri-
que parti ex protractione per illegalem Pro-
cessum inducta advenisse constabit, injunge-
re debet.

§. 289.

Eodem modo Judex superior procedito,
si querela nullitatis a parte proposita non fue-
rit,

rit, nullitas tamen in judicio appellationis, vel revisionis ex officio animadversa fuerit.

§. 290.

Si autem querelam nullitatis fundamento carere compertum fuerit, judex superior causam appellationis vel revisionis simul ad se delatam dirimit, querelam nullitatis rejecto, atque, si temeraria judicata fuerit, illius auctori condignam pœnam irrogato.

§. 291.

Si decretum, vel mandatum contra hanc judicariam constitutionem emanaverit, quod ad formam Processus solummodo pertineat, pars gravata neque appellare, neque revisionem petere potest, sed casum judicis superiori intra 14. dies a die exmissi decreti, vel mandati numerandos indicare debet, alioquin gravamen ulterius recipiendum non est: Superior Judex autem in veritatem ex officio inquirito, & judicem inferiorē pro qualitate circumstantiarum redarguit.